

docriver 文川网
古籍书城
入驻商家
在文川网... 获取更多电子书


中國方志叢書·華中地方·第一四七號

據 清同治十三年吳雲輯本 影印

江蘇省

京口三山志(焦山志) (二)

成文出版社有限公司印行



中國方志叢書·華中地方·第一四七號

據清同治十三年刊本


影印

江蘇省

京口三山志(焦山志)

(三)

成文出版社有限公司印行



10098803

R
k29

485

118700

江蘇省

京口三山志(焦山志)

(四)

中國方志叢書·華中地方·第一四七號


據

清同治十三年刊本
清吳雲輯

影印

成文出版社有限公司印行

0112000



docsriver 文川网
入驻商家 古籍书城

在文川网搜索古籍书城 获取更多电子书

中華民國六十三年六月壹一版

京口三山志（焦山志）全四冊

發行人：黃 成 助

出版者：成文出版社有限公司

台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

焦山志卷六

歸安吳雲輯

瘞鶴銘三

詩

宋

瘞鶴巖

胡致隆

當年誰爲裹元黃
潮打孤巖草木荒
華表竟無新信息
斷碑空有舊文章
雲埋紫蓋峰何在
烟鎖青田道正長
遙想華亭披鶴氅
擬隨明月過錢塘

寶墨亭 并序

蘇舜欽

丹陽子高得逸少瘞鶴銘於焦山之下及梁唐諸賢
四石刻共作一亭以寶墨名之集賢伯鎮爲之記遠
來求詩因作長句以寄

山陰不見換鷺經京口今傳瘞鶴銘瀟灑集仙來作記
風流太守爲開亭兩篇玉麈初滌四體銀鈎薛尚青
我久臨池無所得願觀遺法快沈冥

遊焦山觀瘞鶴銘詩

吳 琚

昔愛山樵書今踏山樵路江邊春事動梅柳皆可賦
羣

礪石徑微白浪灑衣屨臨淵魚龍驚捫崖猿鶴懼古刻
難細讀斷缺蒼蘚護歲月豈易考書法但追慕摩挲發
三歎欲去還小住習氣未掃除齒髮恨遲暮華亭鶴自
歸長江只東注寂寥千古意落日起烟霧

明

遊焦山觀瘞鶴銘

王同華

焦邱瘞鶴化空銘濤跡侵青光如苔色黯黯潛虬吟漢
季有高士隱淪江洲潄三詔身不起滄溟協元襟懷壁
於此山已遠漢室心江聲流萬古回波抱孤岑余本巖

中物冥會驂仙禽俯窺絕嶂流仰睇懸蘿陰勞歌自招
隱清芬誠足欽

萬曆庚寅秋七月鄆郡汪宗尼載女郎馬鳳笙來
遊焦山無何陳揚產程應衢茅溱繼至相與披
草萊涉泥滓尋瘞鶴銘據石痛飲各賦一詩題
壁而去

汪宗尼

瘞鶴千古銘蒼苔迷怪石髣髴龍蛇文乃雜鼃鼃跡

程應衢

殘碑既剝落江澚雜亂石攀援歷潺湲欣然得遺跡

陳揚產

褰裳尋鶴銘捫蘿覓棧石不見剗刷人空餘蝌蚪跡

茅 漆

有鳥去不歸莫覲華表石誰爲千年人漫感千年跡

名媛
馬鳳笙

漠漠江上雲纍纍水際石何意金粉姿覲此烟霞跡

國朝

由青玉隴至雷轟石下探瘞鶴銘用吳琚游焦山

觀瘞鶴銘韻

王士祿

斜陽青玉塢遙指綠江路汨沒窅冥閒觸目難爲賦探
奇不覺遠春潮濺芒屨波聞鷗不猜崖仄鶻無懼遂造
亂石側遺銘龍鬼護幸及江痕減觀止諧夙慕憶昔瘞
鶴人山中幾年住言念朱方化寧不感遲暮回首望夷
山滄波日東注太息拊巖苔林巒生夕霧

尋瘞鶴銘

王士正

我思華陽人古字傳瘞鶴披蘚下崩巖天寒水方落

王子千副使焦麓別銘圖詩

王士正

摩圍居士言有徵大字無過瘞鶴銘瘞鶴之銘海門側

風濤萬古長冥冥雷轟浪打日剝蝕魚龍鯢觸莓苔腥
逸少貞白辨疑似眾喙紛紜徒聽熒胎禽化去幾千載
片石呵護勞山靈歐陽及見六百字逮今存者如晨星
淮陽張昭老好事作爲考辨窮滄溟我昔懷古焦仙嶺
醉下水府搜林扁電光回首四十載歲月幾換堯階冀
東川使君勇過我雙屐踏破三山青坐臥空山待水落
古寺破壁風泠泠椎拓數字比瓊玖綈錦什襲羅中庭
楚僧作圖向篷底青春白浪浮空舸題詩卻憶舊遊歷
百年飄忽風中螢

焦山別銘圖爲王副使煥作

朱彝尊

華陽真逸昔瘞鶴井穴乃在焦山根銘文不省誰氏作
紀年第有干支存審視要非唐後勒昔年曾與張弼論
茲山不與浮玉伍其地僻左稀攀援旋渦轉湍奔溜急
沐日浴月驚濤翻峯坳集海舶浪濤藏江豚銘辭汨沒
露日少誰抉地戶開天門丈人守靈威真官降趙尊若
非神人護遺跡安可捫蘆臺王君信好事躬自荷鍤操
犢禪剗苔剔蘚竟深入先以前趾次尻臀手捫其文無
闕欠一紙價已當瑤琨西江道士爲傳寫衣袂尙帶寒

湖痕惜哉轅馬且北去山游未遂括與温何年金石其
搜討疑義相析窮其源

題王紫詮焦麓別銘圖作

史中義

水涸月墮空江船沈碑露脊沙痕穿絕幽穴險驚龍眠
霑裏不怕飢蛟涎驪珠到手神光圓華陽真逸誰代仙
浮邱丈人差拍肩胎禽遺蛻如輕烟想當騎背摩青天
夕遊瑤島朝芝田元裳縞袂乘蹻躡豈料埋骨寒潭淵
丹翠削壁當空懸谿谿欲壓波濤喧神仙有情淚如鉛
作銘記瘞忘歲年水聲風聲泠泠然清暎彷彿山之巔

駐慘白雁愁黃猿山鬼躑躅江妃憐插江玉笏龜趺墜
籀奇磔石魚蜃纏珠宮貝闕晶瑩連雷霆迴馭不敢鞭
玉霄仙客來紫瑤海門三過尋焦先嘯振林木歌扣舷
狂搜寶蹟荒江邊陰靈祕怪相迴旋龍宮水府紛擎拳
人力椎鑿何能前願君寶此輕瓊瑤鼎闕鼓同爓爓
束以綈錦包以氈勿使六丁下取騰龍泉焦麓金薤長
留傳

和江服懿飲焦巖觀瘞鶴銘建亭歌原韻

陳鵬年

松寥宜晴亦宜雨萬里年流在庭戶主人選勝開門軒
當杯似看蛟龍舞酒酣散步焦巖巔誰云煉石能補天
割取雲根八十字摩挲舊刻慚新鐫此物傳疑著江國
華陽逸少無人識豐隆肆虐海若貪信見光芒射斗極
偶來水落窺坡陀殘銘幸不全消磨挽之重滯陟青嶂
翼以危亭臨碧波成勞木自眾擎出呵護千年龍象窟
依稀尙見鷺羣書髣髴猶存鼠鬚筆回思滄沒波浪時
萬仞鑿削非人爲遭逢明時乃復見山海效順神靈知
君不見寶物顯晦原無端澤宮石鼓還舊觀又不見龍

劔韜藏雙入水須臾躍出澄潭底文通插貂會有日莫
嘆采樵長困此洗盞何妨傾十石歡呼勇角千金擲笑
問蓬萊清淺無座中況有騎鯨客

瘞鶴銘歌爲陳滄洲先生作

汪士鋐

焦山山崖瘞鶴銘雷轟石裂沈江冥一朝水底出至寶
神物焜耀含精靈此碑書家最珍愛欲揭惟怕蛟龍腥
致令廣本遍天下刻畫嫫母誇娉婷或傳此是右軍筆
未睹真蹟憑圖經滄洲先生好古士搜奇抉怪真無寧
榻來江邊坐惆悵太息寶墨留空亭時當窮冬江水涸

docsriver 文川网
入驻商家 古籍书城

在文川网搜索古籍书城 获取更多电子书

巉巖洗刮平沙汀或側或仆露奇字磊落散布排天星
命工昇石置江岸殘筆散畫無留形重依舊石定方位
尋行數字留儀型屹如陰崖立華屋恍若江畔開新礪
字體寬綽具古隸鋒稜雖剗精光熒何年埋沒忽滂洩
奪取龍藏歸滄溟吾聞此焉神仙窟華陽真隱留芳馨
況此胎禽本真侶藏之山下餘千齡彷彿厥土勢爽塏
洪流後蕩前重扃祇今遺文七十字儼羅國寶充明庭
吾吳太守例神異驅使直可到六丁魚龍遁藏避神鏡
剗削嶮嶮磨青萍天生寶物世必顯雲日豈被烟塵膜

重來江山尋遺碣歛歌載道喧驚霆瘞鶴之銘不易得
毋使日夜椎搗無留停

陳滄洲先生出瘞鶴銘於焦山江底長歌紀事

法重正

姑蘇太守瀟湘客隻手常操補天石衝波逆浪達海門
海底先褫毒龍魄圖汝之北松寥巔華陽鶴跡垂千年
阿香車來收寶物穹碑一旦沈深淵鼉鼉羣相戲
百丈龍宮永幽閉輓昇不有有力人赤文綠字終沈淪
姑蘇太守膽如斗驅鱷除蛟施巨手渚犀夜燃天四青

燭幽起頽攪海腥神明奕奕還舊觀精采躍躍通仙靈
焦公傅公兩相守勿任風雷薄蝌蚪朱方鶴化夜歸來
裂竹一聲江月走

瘞鶴銘

厲 鵞

我生好讀浮邱經焦山來訪瘞鶴銘纍纍之家令咸嘆
羽化誰使傳千齡迺知仙家重文字不異人世諛幽扇
崩崖歛浪下無路直待水縮霜霰零墨痕濺面葉藉背
仰臥劣可摹真形張王近事僧指說張昭王煥奇險欲動魚
龍聽長沙陳公鵬年發天秘扶取覆以屋建瓴繕亭何必

歷三癸鑿石直疑煩五丁上皇樵書今得覲尤慮瓊樵
日敲擊比量北海遇趙岐特護翠珉藏復壁敢辭米老
河豚讓贖本重鏤外加纂篝燈側足窺大幽彈渦親剔
筆墨適真官若掌女青律筦杜失職當窮搜百番赫蹏
走書估三日臥看毋自苦摩挲後此五百年鋒稜就視
空茫然吁嗟神物非近玩不如天吳什襲猶能全

書瘞鶴銘碑後

夏之蓉

平生絕喜論碑版不論芝旭繇與羲所恨羅致乏古本
縑囊縹帙徒爾爲換鷺久失山陰帖瘞鶴猶傳京口碑

江濤生蘚蝕不盡尙能彷彿存風規滄洲得此殆天遺
鑿山忽到荒江湄舉之重堽覆以瓦柵而鑰之光葳蕤
遂令芒寒九十字頓還舊觀天南陲此事令人豔稱述
谿藤染墨爭拓椎我于市肆得此本細按點畫稽文辭
上皇山樵好手筆不假雕飾餘天姿江陰眞宰丹楊尉
亦留名字生光儀古人有作必有意豈云好事同兒嬉
但恐靈闕造物忌異時攫取風雷隨

觀碑圖

余京

焦山瘞鶴銘陳恪勤公旣出之江中祝子荔亭乃集

銘考一卷寫像作圖屬同人題其上

目注心摹更手追多君嗜古亦何爲笑予老去憎文墨
愛看人間沒字碑

觀碑圖爲祝荔亭作

鮑皋

蛟龍不識字偷齧神仙書焦巖水落見碑版志士往往
搜其餘我聞長沙老子滄洲客千尺長綬挽穹石銀鋸
割波壯士怒直奪蛟龍口中物奪歸秘室立重扃黑夜
時復驚雷霆中間奇字七十二字字俱作風濤形君本
長沙佳弟子不惜黃金換青史構作齊雲百尺樓擘破

剡溪千丈紙山之麓江之沮斯碑復出誰功歟移山神力君與俱長沙逝後識此無多君示我觀碑圖惜哉全本久摧剝人閒摹勒非眞書眞書世眼那能辨但從完好求肌膚吁嗟乎月可修天可補媧皇石吳剛斧華陽仙去鶴不歸茲銘缺落終千古

焦山瘞鶴銘詩

卜占五

霹靂巖邊一片石何年眞逸留遺迹元黃局處已難尋此字獨存天所惜陽侯亦似解珍藏洪波護入鼉鼉宅茫茫浩劫歷千載歎息沈沙同折戟到底蛟龍不敢侵

往來洗蕩空潮汐探奇浮玉訪仙蹤眼看鯨波惟舌昨
蘇黃昨日總人豪未聞能入鯨宮索六一尤誇得字多
不向洪流設奇策非常物待非常人蘇州太守京江客
曠世相感亦何心力挽神奇出斯厄拔崖特爲鑿巖巖
犯險還教破崩砦天吳走散蛟螭奔一朝飛上金鼇脊
先生事業照今古建亭小試殊創闢茲銘若不遇知音
永閉深淵長蛟液先生此舉誠快哉瓊椎擬把苔紋剔

瘞鶴銘

蔣士銓

殘縑斷碣遺跡殊誰見古人捉筆書俗儒小慧逞博辨

雀鼠聚訟堪焚如幽人養鶴作妻子偕老巖阿同臥起
維蓋畱堆犬馬身何況胎禽嗒然死序之銘之泐斷崖
波浪盪洗魚鱗措零行剩字足寶貴會稽平原何有哉
注疏流弊事考訂鼯鼠入角求谿徑古人已死當闕疑
牽附支離爭質證是王是顏惟爾稱暗室何曾有一鏡
大哉

皇言論乃定曰非晉人知不能

焦山訪瘞鶴銘

石韞玉

偶過避風館言尋瘞鶴銘臨摹傳翠墨呵護仗神靈月

湧江湖白雲封石骨青直思三日住未忍遽揚舡

瘞鶴銘

張井

何處認蕭梁徒勞爭晉唐名原避物色

華陽真逸上皇山樵丹楊仙翁

江陰真宰皆不署名

石已閱滄桑文字無過此遺文漫補將茲山

富辭翰鼻祖是華陽

詠瘞鶴銘

邵廷烈

昔我遊焦山憩息山閒亭亭中何所有瘞鶴畱古銘夙
聞藏山足洪濤撼龍腥何年出巨浸鈎摹煥明星風波
蝕不盡尙認秋蛇形顧況與王瓚論說紛哇町卽云右

軍書筆法殊黃庭雲林精鑒賞書格辨微冥朱陽證陶
帖眾疑析千齡叢殘不可讀絕異洪都經神物終自顯
呵護知有靈滔滔江浪白森森海天青長嘯出山去林
花送古馨

焦山瘞鶴銘歌

鄭 莪

江空木落魚龍秋光怪夜夜波心浮詫何寶物扞神鬼
云是銘石焦山頭伊我嗜奇夙成癖一筇早訪拏輕舟
石乃華陽真逸蹟當年銘鶴磨鐫留文成不顯書姓氏
遂使後代疑冥搜紛若聚訟至長孺東觀論出辨始休

濤春石久淪水底摸搨往往涉險愁至寶在世豈長晦

絙致巖上傳滄洲

陳公

貞白舊觀頓還好獨惜多半泯蛟

蚪摩挲蹟幾類獵碣車攻馬同莫盡求石畔狂歌手招

鶴江雲漠漠江波流橫空羣雁拍岸起落霞飛墮山亭

幽浮玉在望京峴近夕陽煙樹微茫收陶公焦公不可

見潮迴風駛蒲帆抽

docsriver 文川网
入驻商家 古籍书城

在文川网搜索古籍书城 获取更多电子书

焦山志卷七

歸安吳雲輯

碑刻

秦

重刻泰山二十九字殘石

篆書

臣斯臣去疾御史夫臣口味死言臣請具刻詔書金石
刻因明白矣臣昧死請 牛真谷運震金石圖云秦
山秦篆二十九字在山頂碧霞元君宮之東廡後有
北平許氏跋自御字斜泐至石字中有斷痕潛研堂

金石跋尾言乾隆三年碧霞宮火秦刻遂亡此本舊
爲彭允初紹升所藏有明嘉靖間人陳魯南沂題記
碑中石字未斷無許氏跋彭氏謂許名字不詳又無
歲月其書得古隸法而模糊已甚當是明中晚人此
拓本在嘉靖以前宜無許跋也按秦篆傳世者絕少
此本是嘉靖前精拓尤爲難得因與家讓之熙載商
確鈎撫入石屬江都王衷白奏刀而能於原本形神
俱合不爽絲毫者讓之校讐之力也歸安吳雲記

漢